



● EDITORIAL ● RAL VENGTU ● CHHUNGKAW CHANCHIN

✚ Political Party-a tel tûra innawr chungchânga
Kohhran mipuite hnêna hriattirna

✚ Synod Hospital-ah doctor mamawh a ni

RNI 68092/83 Regn. No. N.E. 1024

From

Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD Newsletter

Volume XXVI

No. 350

E-mail : synodnews@gmail.com

NOVEMBER, 2012

PRESBYTERY INKHAWMPUI ROREL, SYNOD INKHAWMPUI AGENDA-A LUT TURTE

Mizoram Presbyterian Kohhran Synod hnuaia Mizoram chhunga Presbytery 34-te chuan October 11 - 14.2012 chhung khan Inkhawmpui an hmang a. Hriat theih chinah Inkhawmpui rorelnaa thu ngaihtuah, Synod Inkhawmpui (General Agenda)-a ngaihtuah leh tura chhawp 86 a awm a. A theh luttu Presbytery hming nen hetiang a ni –

Pastoral lamah

1. Pastor term hmang zo, Presbytery khat atanga a ruala transfer tam bikte siam rem ni rawh se. – *Tuipuiral*
2. Pastor transfer-te awmna Quarters chhuahsan hun hi rual tlanga tih ni rawh se. – *Tuivawl*
3. Pastor nemngheh tharte Mizoram chhungah term khat tal Bial vawntir ni rawh se. – *Ramlai*
4. Missionary Pastor Ramthar lama kan dah dan hi en that ni rawh se. – *Aizawl Hmar*
5. Missionary Pastor atan Mizoram chhunga term khat tal Bial vawng tawh chin tih thin ni rawh se. – *Serlui*
6. Lunglei Venglai Bial hi Bial hniha then ni rawh se. – *Lunglei West*
7. Nemngheh tur Pastor-ten Thurin an sawi laia an hawi dan inang tlanga tih ni rawh se. – *Lunglei West*
8. Laisawral Branch Church hi Pukzing Bialah bet leh rawh se. – *Lunglei West*
9. Pastor Quarters tinah Synod-in refrigerator dah vek rawh se. – *Chhimthlang*
10. Term khat Bial vawng tawh Pastor bulah Pro Pastor lak tharte dah thin ni rawh se. – *Aizawl Chhimthlang*
11. Pastor Quarters grant hi tihpun ni sela, a pek dan leh sak dan pawh en that ni rawh se. – *Aizawl Bethel*
12. Pastor Bial hmui allowance hi tihpun ni rawh se. – *Champhai South*
13. Synod hnuaia Pastor-te hming ziah dan kaihhraina siam ni rawh se. – *Tuivai*
14. Pastor transfer leh Posting-ah Synod Pastoral Committee-in a rel fel tawh hnuaia chuan tih-confidential tawh loh ni rawh se. – *Champhai North*

Ramthar lam

1. Kros sipai kan chawm dan kalphung hi Synod Mission Board-in kaihhraina mumal zawkin siam rawh se. – *Tuivawl*
2. Missionary, nupaa thawh tawh loh ni rawh se. – *Tuivawl*
3. Mizoram chhunga Mizo hnathlak kan Kohhran chhuahsana Isua Krista ring tawh lote hruaikir leh turin nasa zawka tan lak ni rawh se. – *Aizawl Hmar*
4. Masihi Sangati Evangelist te hlawnh Synod Mission Board-in a pek thin hi tihsan ni rawh se. – *Sakawrhmutui*
5. Synod Home Mission, Zawlpui hi High School-ah Upgrade ni rawh se. – *Lunglei West*
6. Missionary Nurse-te tan Refresher Course, Synod Hospital, Durtlangah buatsaih ni rawh se. – *Lunglei West*
7. Thawktute in luah man tihsan rawtna. – *Chhimtuipui*

8. Ramthar rawngbawlna direct Evangelism atan Synod-in Budget-ah sum tam zawk dah rawh se. – *Aizawl Bethel*
9. Ramthar rawngbawlna hmathlir (Perspective Plan) siam thar ni rawh se. – *Aizawl Bethel*
10. Contract missionary te record vawn thu. – *Chhimtuipui Presbytery*
11. Min hringtu Kohhran Wales ramah nasa zawka rawngbawl dan kawng zawn ni rawh se. – *Aizawl Bethel*
12. Synod-in Ramthar Enthatu Commission hi siam tha leh rawh se. – *Aizawl Chhim*
13. Synod Mission Field-a Kohhran ding tharte Biak In sak dan hi enthat ni rawh se. – *Tuichang*
14. Thilsiam dangte hnena Chanchin Tha hril hi Mizoram Presbyterian Kohhran hma lakna ni ve rawh se. – *Aizawl Chhimthlang*

Sunday School lam

1. MSSU Committee hian Naupang lam Sunday School zirilaiah Kristian chhungkua hi telh ve rawh se. – *Tuirini*
2. Sacrament leh Senior department-te zirilaibuah Kristian chhungkaw din chungchang telh ve ni rawh se. – *Serlui*
3. MSSU-in Sunday school kai kim chhiar dan a kalpui lai hi en that ni rawh se. – *Serlui*
4. Kohhran ni pawimawha naupang pual programme siam hi a mumal zawk theih nan MSSU kutah awm rawh se. – *Tlawng*

Zirna leh a kaihhnawih

1. Synod-in Presbyterian English School a kalpui danah hian tun aia nasa zawka hma lak ni rawh se. – *Hmarchhak*
2. Synod Higher Secondary (Class - XI leh XII)-ah hian thingtlang tan seat 60% dah ni rawh se. – *Dampa*
3. Synod Higher Secondary School-ah hian vocational course zirna neih ve dan kawng zawn ni rawh se. – *Serlui*
4. Mizoram Synod hnuaia Presbyterian English School-te hian emblem inang tlang hman ni rawh se. – *Tuichang*
5. Synod Higher Secondary School-ah hian zirilai tam zawk admit an nih theih nan Synod-in hma la rawh se. – *Aizawl East*

Kohhran dân, kalhmang leh inrelbawlina lam

1. Synod-in Sacrament chhang (Wafer) hi a thlawnin sem ve rawh se. – *Tawi*
2. Presbyterian Handbook hi tun aia changtlung zawkin Synod-in siam leh rawh se. – *Tawi*
3. Kan Kohhran Sacrament hi mipuiin kan ngaihpawimawh leh zual dan tur Synod-in kawng zawng rawh se. – *Tuichangral South*

Phek 2-na ding lamah zawm a ni...

www.mizoramsynod.org

SYNOD Newsletter

EDITORIAL STAFF

Rev. K. Lalpiangthara (LPT)
Rev. B. Lalngkhaklana (BLNG)
Upa H. Ronghaka (HR)
Upa C.H. Thangkhuma (CTK)

Editorial.....

KOHRAN ÂW - PATHIAN ÂW

Pathian âw leh duhzâwng hriat theih dan chi hrang hrang a awm a, chung zinga langsar zualte chu Bible, Thlarau Thianghlim leh Kohhran âw ațangin a ni. Kohhran inkhawmpui kan hriat hmasak ber chu Jerusalem-a inkhawmpui an neih kha a ni a. An agenda chu "Jentail-te chu an serh tan tur a ni. Mosia dan âwih pawh an hnenah tiam kher tur a ni," tih a ni a. Rei fe an sawi hnua an Moderator Jakoba chuan hetiang hian a khai khawm a, "Chuvangin heti hian ka ruat a ni, Jentailte zinga Pathian lam hawite chu tihrehawm lo ila, milem biakna thil bawhlhlawh ei te, inggaih te, sa reh hlum leh thisen ei te banna turin an hnenah lehkha thawn zawk ila ka ti ber a ni. Mosian hmânlai ata tawh khaw tinah a thu tlangaupuitu a nei thin si a, inkhawmna inah te chawlni apiangin a thu chu chhiar a nih thin kha," tiin. An inkhawmpui minute chu thuhmahruaite mawi taka ziaak telin 'Thlarau Thiaghlim leh keinin...' ti thlapin Paula leh Barnaba awmna Antiokei-ah Juda leh Sila kentirin an kalpui ta a. Tun thleng hian 'Thlarau Thiaghlim leh keinin' tih hi Kohhran inkhawmpui țawngkam mawi leh hman lar tak a lo ni ta a ni.

Mi thenkhatin kohhran hi an hmu tisa tlat thin a. Krista taksa a nih tlat avangin hmuh tisa chi a ni lo. Pathianin a kohhhranho rorelna hmangin a aw leh duhzâwng min hriattir thin a. Chuvangin kohhran âw hi Pathian âw-ah kan pawm theih thin a țha. Mahni kohhran, Bial leh Presbytery bil thlir lovin, kan zavaia sâwt tlanna tur zawnga Thlarau Thiaghlim hruaia inkhawmpui rorel hi tute pawhin Pathian âw leh rorelnaa kan pawm theih a pawimawh hle a ni.

NGENNA LEH HRIATTIRNA

Kum a lo tawp dawn hnai leh ta a, **Kristian Tlangau** leh **Kristian Naupang** Agent, kumina a lak man la chhung lut lote leh kum hmasa lama a man la baten Synod Inkhawmpui 2012 zawh hma ngeiin Business Manager, Kristian Tlangau, Synod Office, Aizawl hnenah theh lut theuh turin kan ngen a che u. Mahni kal remchang thei lote pawh Synod Inkhawmpui palaite hnenah a man thawnin kumina inching fel ngei turin kan ngen e.

Editorial Board
Kristian Tlangau & Kristian Naupang

Phek 1-naa mi zawmna...

- Inneihna licence-a khua leh kohhran tih hi tihdanglam ni rawh se. – *Tuivawl*
- Ramthar ațanga Presbytery aiawha Synod Committee hrang hranga tel thin hi telh tawh loh ni rawh se. – *Tuivawl*
- Synod Committee hrang hranga Ramthar Presbytery tel ve dan en țhat ni rawh se. – *Aizawl Hmar*
- Hlamzuih hun bithliah ni 90 tih hi a ni bithliah tlem zawngin ențhat ni rawh se. – *Tuivawl*
- Nausen dam țha pangngaia piang, a hnu lawka thi leh site hlamzuiha kan kaltir thin hi Synod-in a tihbo dan ngaihtuah rawh se. – *Hmarphei*
- Family Guidance and Counselling Centre, Lunglei lamah hawn ve ni rawh se. – *Lunglei West*
- Synod Revival rawngbawlna atan Synod-in sum tam zawk ruahman rawh se. – *Hmarchhak*
- Kohhran dang nena kan thawhhona hi en țhat ni rawh se. – *Chhimtuipui*
- Synod inchhiarna form-ah hian Tual Upa neih zat tihlan ve ni rawh se. – *Chhimphei*
- Lalpa Zanriah Sacrament sem dan leh senghawi dan hi inkhawmpui leh kohhran ni bikah tun aia puithu zawka tih ni rawh se. – *Aizawl Chhimthlang*
- Pastoral Ministry changtu Executive Secretary hian Pastoral Ministry nena inhne department - Theological Education Board leh Revival te hi enkawl rawh se. – *Aizawl Bethel*
- Synod administrative set up hi en țhat ni rawh se. – *Aizawl Bethel*
- Synod Working Committee siam ni rawh se. – *Aizawl Bethel*
- Assembly thuneihna hi en țhat ni sela, Mizoram Synod pawh hi a țul anga tihlen ni rawh se. – *Aizawl Bethel*
- Synod ruat Committee/Board member-te hi fimkhur zawka ruat ni rawh se. – *Aizawl Bethel*
- Kohhran inchhiarna form-a hriat tur pawimawh No. 1 (b) leh (c) te hi hriatthiam awlsam zawka siam ni sela, chhungkaw chhiarna form-ah ziah lan ni rawh se. – *Khawthlang*
- Kohhran indanna sum hi Synod-in tun aia tam zawkin dah rawh se. – *Champhai South*
- Lairam Isua Krista Baptist Kohhran (LIKBK) te nena kan thawhhona tihtawp ni rawh se. – *Lunglei East*
- Kohhran pawl dang ațanga lo pakai ordained Minister-te leh kan Kohhran mi pawl dangin an ordained te pawm dan tur Synod-in siam rawh se. – *Aizawl Chhim*
- Chhim Bial Enkaw Dan Bung 5, Sub No: 2 (rawngbawltute dinhmun) No. A Pastor chungchang tih hi siam țhat ni rawh se. – *Aizawl West*
- Mizoram pawna Presbytery kalphung leh enkawl dan hrang hrang kan hman mek hi en țhat ni rawh se. – *Aizawl Chhim*
- Tuna kan ram dinhmun enin Mizoram chhungah Presbytery siam belh tawh hrih loh ni rawh se. – *Aizawl East*
- Tunlai thiamna hmanga naupai leh fa neih chungchangah kohhranho inkaihhruaina dan siam ni rawh se. – *Aizawl Chhimthlang*

Synod hnuaia thawkte kaihnawih

- Synod hnuaia thawktu pension hun hi kum 62 ni tawh rawh se. – *Aizawl Hmar*. Synod Lay Worker-te pension kum hi 62 ni ve tawh rawh se. – *Aizawl Chhimthlang*. Synod mi rawih (Lay Worker)-te pension hun hi Pastor-te nen inang tlanga tih ni rawh se. – *Chhimphei*
- Synod hnuaia Hmeichhia, contract-a thawkte nau neih chawlh hi a ngheta thawkte nen inang tlanga siam ni rawh se. – *Chhimphei*
- Synod hnuaia thawktu, khawpui chhunga awmhmun sawnte DA pek tawh loh ni rawh se. – *Aizawl Chhimthlang*
- Synod Account Branch-ah Closed Circuit Television (CCTV) dah ni rawh se. – *Chhimchhak*
- Synod mi rawih ni lo, Synod-in Official duty-a a tirh laia damdawiina awm ngai khawpa dam lo leh tawh sual tawk an awmin an dinhmun azirin Synod-in tuamhlawm dan ngaihtuah rawh se. – *Chhimphei*

Hospital chungchang

- Synod Hospital ICU-a damlo awm, damlo chhung ten an nghahna tur hmun hi tun aia țha zawka siam ni rawh se. – *Aizawl West*
- Synod Hospital Durtlanga hman turin 'Magnetic Resonance Imaging' (MRI) lei dan kawng Synod-in zawng rawh se. – *Aizawl West*

Synod Inkhawmpui chungchâng

- Synod Inkhawmpui-ah hian thua inpawlhona wawi khat chauh neih ni rawh se. – *Aizawl Chhim*
- Presbytery Agenda, Synod floor-a chhawp chhuah loh te hi floor-ah a chhan sawifiah thin ni se, minute-buah tar lan ni bawh rawh se. – *Aizawl East*

Phek 3-na ding lamah zawm a ni...



Zan khat chu nula pakhat hian ngui hmel pu tak chung hian, “Râl Vêngtu, ka beidawng, intihhlum mai a ni ka duh ni; engtin nge ka tih ang?” a ti a. Râl Vêngtu thin chu a thawng hle mai a. Heti hian a thawnthu hriat a hrilh ta malh malh a, “Vawi khat chu Setana hian sual rawngbawl reng mai hi a ning a, sim a tum ve a. A hmanraw chi hrang hrang - îtsikna te, hurna te, bumna te, ngawlveina te, thinchhiatna te leh a dang dang deh ral tumin bazarah a pho chhuak a. A lai takah chuan a hmanraw tha ber leh man to ber chu a dah a. Miten eng nge ni tia an han zawh chuan, ‘beidawnna a nih kha; hemi hmang hi chuan hausa tak tak leh mi chak tak takte thleng pawh hian eng mah lovah ka siam zung zung mai a, ka hmanraw dang zawng aia a that avangin a man pawh a to ber a nia,’ a ti e,” an tia sin.

Beidawnna hi hman atanga vawiin thlengin Setana hmanraw tha ber a la ni a, nang pawh he a hmanraw hmang hian a beih che avangin beidawnna i nei a nih kha. Beidawngte tan Lal Isuaah beiseina a awm a. Thawkrim leh phurrit phurte tana hahchawlhna a ni a. Mahni nunna lak duh hial khawp beidawnna leh thawpikna i lo nei a nih pawhin Setana dawi hlo chak ber a ni tih hriain Lal Isua lo bel tlat la, nangman a ngaihna i hre lo a nih Pawhin in Pastor leh Upate emaw Pathian lama hruai thei tur che nia i hriat i lo pan vat dawn nia,” tiin thurawn a lo pe a. Chu nula hmel pawh chu a êng deuh sawt sawt a, Râl Vêngtu thurawn ang chuan amah pui theitu tur nia a hriat hnenah a kal a, a phurrit pawh chu chhâwkin a lo awm a, lawm takin a hawng ta a.

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form hi office hun chhungin MTC Office atangin lak chhuah theih a ni e.

Dil thei chin : CI-XII pass chin emaw,
CI-X pass, kum 2 tal zima
lamah leh rawngbawlna
lama experience nei.

Dil theih ni hnunung : February 28, 2013

Written Test : March 27, 2013

Interview : March 29, 2013

Principal
Missionary Training College
Mission Vengthlang
Ph No. 2310157/2301337/ 09612564113

Phek 2-na zawmna...

Thil chi hrang hrang

1. Nungcha humhalh kawngah Synod-in tun aia chak zawkin hma la rawh se. – *Tuichangral South*. Kan rama luipui tui lo tlem zel ven nan luikama ramngaw te humhalh ni rawh se. – *Tlawng*. Kan ram leilung humhalh leh enkawlina kawngah Synod-in nasa zawkin hma la rawh se. – *Aizawl East*
2. Synod-in Pandal structure chung tur ngaihtuah rawh se. – *Lunglei West*. Synod Pandal kan neih lai hi ruah sur pawh a hul ngei tura tun aia tha hmanrua hman ni rawh se. – *Aizawl East*
3. Aizawl Theological College tih hi ‘Mizoram Synod Theological College’ tia thlak ni rawh se. – *Chhimtuipui*
4. Zoram pum huap HIV/AIDS chungchang inzirtirna Synod-in buatsaih rawh se. – *Khawthlang*
5. Mizorama Hindutva hma lakna awm mek hi Synod-in zir chiang sela, a ñul angin hma la rawh se. – *Tuivawlral*
6. Mizorama sakhaw dang betute hma lakna zir chiang turin nasa zawkin Synod-in hma la rawh se. – *Serlui*
7. Synod-in Mizorama Chanchin Tha thlen ni atan 15th March, 1891 pawm tura rawtna. – *Serlui*
8. 2010 Synod Inkhawmpuiin a rel angin MTC Bualpuia dah tura hmalak ni rawh se. – *Serlui*
9. Synod-in Cement Mistiri Training buatsaih rawh se. – *Tuichangral North*
10. Kan Synod hian tun aia changtlung leh huam zau zawkin Media Ministry kalpui rawh se. – *Tlawng*
11. Mi mal ram neih dan tidanglam turin sawrkarin hma la rawh se. – *Tuichang*
12. Synod Calendar-ah hian Naupang Sunday School leh Senior department inkhawmpui ni hi telh ve ni rawh se. – *Aizawl East*
13. Kristian Hla Bu hi Mizo irawm chhuak hla tam zawk telh a nih theih nan tihlen ni rawh se. – *Aizawl West*
14. Champhaiah Rescue Home Synod-in buatsaih rawh se. – *Champhai North*

KOHRAN MIPUIE HRIATTIRNA

Chief Executive Officer, Mizoram State Health Care Society, Govt. of Mizoram chuan Rashtrya Swasthya Bima Yojana (RSBY) Enrolment chungchanga ngenna Mizoram Synod-ah arawn thlen a. Synod Officers’ Meeting (OM 17:28/2012) chuan mipui vantlang tana tha tur a nih avangin Kohhran mipuiete hnena puanzar rem a tih angin Mizoram Presbyterian Kohhran mipui, RSBY-a tel thei zawng zawngte chuan ngai pawimawh theuh turin kan inhriattirin kan inngen a ni.

Hetiangan - “Kohhran mipui RSBY-a tel thei zawng zawngten Enrolment (inziah luh leh thlalak) ngaih pawimawh theuh ni se, a hun leh hmun hi veng chhung Information Centre atanga puan thin a ni dawn a, hre chiang duh chuan mahni Khua/Veng Health Sub-Centre-ah zawh fiah theih reng a ni baw e.”

(UPA DP. BIAKKHUMA)
Secretary
Mizoram Synod

2013 PUITLING SUNDAY SCHOOL ZIRLAIBU A CHHUAK

SAM II & III (Sam 42-89)
Hrilhfiarna, Rev. Dr. R. Lalbiakmawia zia chu a lo chhuak ta a, Synod Bookroom Hqrs.-ah lei theihin a awm tawh a; Branch hrang hrangah thawndarh mek a ni baw. Chhut hmasak a zawh chak avangin lei hma a tha ang. **A man Rs.75/- a ni.**

POLITICAL PARTY-A TEL TURA INNAWR CHUNGCHANGA KOHRAN MIPUIE HNENA HRIATTIRNA

Hun eng emawti lai atang khan kan ramah hian Political Party-a tel tura innawr luihna lam rawng kai a awm thin tih hriat a ni a. Chutianga an innawrna lamah chuan Party-a hming zia lo leh fee pawh pe lo chu sawrkarin ruahmanna a siam thenkhatah telh loh tur ang zawnga insawithaihna chi te a awm tih hriat a ni. Hetianga innawrna leh insawithaihna hi khawpuiah aiin thingtlang lamah a hluar niin a lang baw. Hetiang thil thleng thin hi Mizoram Presbyterian Kohhran chuan paw a ti hle mai a. Synod Social Front Committee-ah ngaihtuah turin rawn thlen a ni a (Ref. SFC 170:8). Synod Social Front Executive Committee-in he thil hi chik taka a zir chian hnuah chutianga party-a tel tur leh fee pawh pe tura innawrna chu hmun hrang hrangah a awm ngei thin tih hriat a ni.

Hetianga thil hi keini ang Kristian ramah chuan awm lo se tih hi kan duh dan a ni a. Chuvangin kan Kohhran mite chu political party-a tel tura innawr luihna lakah hian fihlim turin kan inbeisei a. Eng emawtia nawr luih kan lo taw a nih pawhin kan Kohhran duh dan hi hre rengin lo dodal ngam tlat turin kan inchah baw a ni. He thil chungchanga hian Synod Social Front Committee chuan Mizoram Political party hrang hrang hnenah lehkhawh thawnin Party-a tel tura innawr lui leh insawithaih zawnga thil tih hi bansan turin a ngen tawh a ni. He thil pawimawh tak hi kohhran mi zawng zawngin kan hriat atan kan han chhuah a ni e.

(REV. LALZUTHANGA)
Executive Secretary i/c Synod Social Front

SL&PB member tharten Office-ah Kristian Diary, etc. kumin 2012 Office chawh hmain in rawn lam dawn nia. Kum thar veleha hman nghal theih turin peih a ni ang - Editor SL&PB



ZION VENG KOHHRAN, CHAMPHAI chuan Dt. 15 - 30.9.2012 chung khan R. Lalanchhuaha, Speaker, Gospel Peniel Team ruaiin mipui Camp chhawng hnih leh naupang Lâng Camp an nei a. Thlarau Thianghlum hnathawh avangin khawtlang a nuam hle. Pi Bawihchangi leh T. Upa F. Lalruatsanga ten vawk an pek hmanga Pathian an chawimawiin an hlum hle.

LUNGKAWLH KOHHRAN chuan Dt. 13 - 30.7.2012 chung khan Pu Lalhara, Speaker, Servant of God ruaiin Camping chhawng hnih leh naupang Lâng Camp leh Crusade an buatsaih a. Campers 376 lutin Kohhran dang atangin mi engemaw zat an lut baw a, Camp-a lutten Krista chhandamna leh siamtharna an chang a. Dt. 28.7.2012 khan Kohhranin Pathian chawimawi nan ruai ropui tak a buatsaih baw.

KHAWRUHLIAN KOHHRAN chuan Dt. 30.7.2012 chung khan Pu Lalindawla, Pathian Thuruk Enkawlu Team Speaker ruaiin Revival Crusade leh Naupang Lâng Camp an buatsaih a. Ni. Masthangin tawngtaia tiham rawngbawlna a nei baw a, taksa leh thlarauva damna chang tam tak an awm. Kohhran pawl dang atang pawhin chhimtu an awm nual baw. Kohhranhoten an hlawkpui hle.

N.LUNGLENG KOHHRAN chuan Dt. 2.8.2012 Kohhran Pavalai Pawl piancham wavi hnihna an hmang a. Pi PC.Vanlalnglaki, Jehova Jire Team Speaker thusawia rawih a ni a. August 8.2012 thleng Kohhranin a ruai zui a, Kohhranin an hlimpuiin Thlarau lamah an hlawkpui hle.

HUNTHAR KOHHRAN, HMUNHMEI THA chuan Sept. 15 - October 7, 2012 chung khan Lalpa Kohchhuah Team speaker Upa Zarzoliana ruaiin Camping chhawng thum leh Naupang Lâng Camp an buatsaih a. Camper zingah Kohhran pawl dang leh hmun dang atanga lut eng emaw zat an awm a. Camp lutte ei atan Pu K. Darkhuman Kohhranah vawk lian tak a thawh. Kohhran leh khawtlangin an hlawkpui hle.

NEW VERVEK KOHHRAN chuan September 18 - 23, 2012 chung khan Home Crusade neiin Krista Bawihle Team Speaker, Upa TBC Rotluanga leh a teamte an ruai a, Dt. 25.9.2012 - 7.10.2012 chung khan Chhandamna Camping chhawng hnih an nei baw a. Kohhranhoten an hlawkpui hle.

LUNGMUAT KOHHRAN chuan September 8 - 23, 2012 chung khan Gospel Logos Team Speaker, Tv. C. Lalchullova leh a Team-te ruaiin rawngbawlu pual Camping wavi khat leh mipui pual Camping tum hnih leh naupang pual Lâng Camp an buatsaih a. Zu leh ruih theih thila harsatna neite leh hnungtawlh tawhten Pathian chhandamna leh Thlarau Thianghlum pawlna thar an chang a, Kohhranin an hlawkpui hle.

KHAWZAWL CHHIM VENG KOHHRAN chuan Dt. 22.9.2012 - 9.10.2012 chung khan Pu C. Lallianthanga, Agape Gospel Rhema Team te ruaiin Camping chhawng thum an buatsaih a. Campers 352 lutin Pathian thutakah harhtharna changin lawm tak leh hlum takin an chhuak vek a. Dt. 8.10.2012 khan Kohhrana mi inphalte thawh khawm hmangin Pathian an chawimawi a. Dt.9.10.2012-

ah pawh chhunzawmin Pathian Thlarau Thianghlum hnathawh nasa tak Kohhranah a thleng mek a ni.

JUBILEE KOHHRAN chuan Dt. 10.9.2012 - 1.10.2012 chung khan Pu C. Sapchawna, Remna Palai Team Speaker-a hmangin Gospel Camping chhawng thum an buatsaih a. Kohhran pawl dang leh Kohhran pawn lam atang pawhin an lut a, mi inphalte hnen atangin pawisa, buhfai leh thil dang thahnem tak dawn a ni. Camp-a lutte hian Krista chhandamna leh Thlarau Thianghlum siam tharna an chang hlawm a. Damna inkhawm buatsaih a ni baw a. Tisa leh Thlarau damna chang tam tak an awm.

KHAWBUNG VENGPUI KOHHRAN chuan October 6 - 14, 2012 chung khan Ebenezer Revival Team Speaker Pu Lalsangzuala Ngente ruaiin Kristian Chhungkaw Crusade an buatsaih a, Kohhranhoten an hlawkpui hle. October 15 - 21, 2012 chungin Khawbung Bial chungah 'Ram chu Lalpa ta a ni,' tih thupui hmangin Revival Beihpui thlak chhunzawm a ni a. Bial Zaipawl leh Kohhran mal Zaipawl te an zai thin baw. Kohhranhoten an hlawkpui hle.

ADMISSION NOTICE

Presbyterian Hindi Bible School, Bawngkawn Mizoramah January 15 - June 15.2013 chung atana zir duh tur tan dil theih a ni e. Dilna chu Plain paper-a ziakin Principal, Presbyterian Hindi Bible School hnenah January 14.2013 thleng theh luh theih a ni. Interview hun : Dt. 15.1.2013 11 a.m.

Hriat turte: Diltu chu (1) Hindi tawng leh chhiar thiam; (2) Kohhran Dan zawh kim a ni tur a ni a; Dilnaah Kohhran/Fellowship/Field Secretary, etc. hriatpuina lehkhah thil tel tur a ni. Mission Field atanga zirlai tirtuten an mi tirtu tan Local Guardian/Sponsor ngaihtuhsak tur a ni.

Guardian/Zir turte chuan mahni mamawh thil chi hrang hrang intum tur a awm a, hre chiang duh chuan a hnuai hming ziaik hnenah hian zawh theih reng a ni e

Diltu chu natna benvawn nei lo a ni tur a ni.

Sd/- Rev. John Sharma
Ph. No. 0389-234117/9862428437 & 9402111624

SYNOD HOSPITAL, DURLANG-AH DOCTOR MAMAWH A NI

Synod Hospital, Durlangah hian a ngheta thawk Doctor 29 zinga palite chu zirna sang zawk zirin an thang leh mek a. He Damdawi in hi Doctor 32 awm tura ruahman a ni a, tunah hian post ruak hnawh khah loh a awm reng a ni. Chutih laiin doctor hna thawk nghet zinga zirna sang zawk kal bo leh a tul ve baw si avangin a awmte an hah hle thin. Rawngbawlna rilru pu doctor hna thawk tura Pathian kohna hria, he Damdawi ina thawk duhte tan doctor hna hi a ruak a, engtik lai pawhin dil theih a ni. He Damdawi ina thawk nghette chu kum hnih an thawh hnuah Damdawi in mamawhna ang zela zirna sang zawk zir leh turin Christian Medical Colleges, Vellore emaw, Ludhiana-ah emaw tih thin an ni. A nghet lova thawk duh tan pawh Contract-in thawh theih a ni a, hlawh chu thla khatah Rs 23,500/- a ni e.

Sd/- Dr. Vanlalruata
Medical Superintendent
Synod Hospital, Durlang

SYNOD HOSPITAL, DURLANG SEPT., 2012 CHHUNGA THILPEK DAWNTE

I. CHARITY FUND

1. Pi Lianmawii, W/o C. Lalawmpuia, Champhai Vengsang - Rs. 1,000/-
 2. Pu R. Lalrimawia, Synod Hospital - Rs. 2,000/-
 3. Dr. Rebecca Lalrintluangi, UCC, Barapani, Meghalaya - Rs. 3,000/-
 4. Pu Joseph Lalrinsailova, Director of Postal Services, Shillong - Rs. 15,000/-
 5. NE Khawdungsei Bial Koh. Hmeichhia - Rs. 2,000/-
 6. Gateway Enterprise, Bawngkawn - Rs. 2,000/-
 7. Tuikual Kohhran Hmeichhia - Rs. 20,000/-
 8. Teikhang Bial Kohhran Hmeichhia - Rs. 379/-
 9. Sarah L. Pachau, Zarkawt, Aizawl - Rs. 2,000/-
 10. Hortoki Pastor Bial (Kohhran) - Rs. 5,000/-
 11. Hortoki Bial NPSS & Senior Dept. Inkhawmpui - Rs. 3,250/-
 12. Pi Chawngchami, W/o Pu Lalrinsanga (L), Khatla South - Rs. 25,000/-
 13. Pu Hualhnuna, Sihphir Vengthar - Rs. 1,000/-
 14. V. Samuela, Bethlehem Venglai, Azl. - Rs. 1,000/-
 15. Suangpuilawn Bial Kohhran Hmeichhia - Rs. 500/-
- TOTAL Rs. 83,129/-**

II. THISEN PETE

- | | Unit pek zat |
|-------------------------------------|------------------|
| 1. YMA, Durlang Branch, Durlang | 54 Units |
| 2. KTP, Vaivakawn Branch, Aizawl | 53 Units |
| 3. Synod HSS Alumni, Aizawl | 47 Units |
| 4. Synod HSS, Aizawl | 198 Units |
| 5. Govt. Saitual College | 59 Units |
| 6. KTP, Sakawrtuichhun Branch | 40 Units |
| 7. Govt. J. Thankima College | 70 Units |
| 8. KTP, Bethlehem Vengthlang Branch | 34 Units |
| TOTAL | 555 Units |

III. THILDANG PETE

1. Prayer Ministry, Electric Veng, Lunglai - Rs. 1,000/-
2. Bungkawn Bial Kohhran Hmeichhia - Benches 10
3. Mizoram State Library, Mizoram - Leikhahu chi hrang hrang 175
4. Paul Zothanpuia, Khatla, Aizawl - Thutthlengsei cushion 1
5. Pi Lalsangpuii, The Cookie Jar Bakery, Chanmari, Aizawl - Chhang tui tak Pastries 420

Khawngaihna leh duhsakna avanga kan Lalpa Isua Krista hminga thilpek min petu zawng zawngte hnenah Isua Krista hmingin lawmthu kan sawi tak meuh meuh a ni e.

Sd/-
(Dr. LALREMTANGA)
Director,
Synod Hospital.

SAWMNA

Hrianghmun Presbyterian Kohhran December 14, 2012 khian an Kohhran Biak In thar hawn an tum a. He Kohhran-a lo lawi tawh zawng zawngte leh Pastor leh Pro Pastor lo ni tawh zawng zawngte tel ngei turin an sawm. Sawmna dang siam an tum loh avangin hei hi sawmnaa pawmsak turin an ngen.

Synod Inkhawmpui atana Board/Committee hrang hrang Meeting a la awm zel. Nov.13-15 leh 28&29 hian **SEC** an thu ang. Nov.20-22-ah **Finance Committee**; Nov.30-ah **Pastoral** an thu ang. Kumin Synod hi Board hrang hrang member ruat thar kum a nih bakah Synod Executive Secretary leh hotu thenkhat thlan/ruat thar kum a ni baw.